

Nakkutilliinermut atortunut il.il. piumasaqaatit pillugit Namminersornerullutik Oqartussat nalunaarutaat

Nioqqutissanik eqqussuinermit akitsuutit pillugit Inatsisartut inatsisaanni nr. 19, 30. oktober 1992-imeersumi, kingullermik Inatsisartut inatsisaatigut nr. 10, 11. november 2000-imeersukkut allangortinneqartumi § 1, imm. 1, nr. 26 h naapertorlugu makku aalajangersarneqarput:

§ 1. Biilit inunnik angallassissutit Kalaallit Nunaannut eqqunneqarneranni nioqqutissanik eqqussuinermit akitsuutit pillugit Inatsisartut inatsisaanni § 1, imm. 1, nr. 26 naapertorlugu akitsuuserneqarnissaat kissaatigineqarpat, biilit inunnik angallassissutit ingerlaarnerminni ilaasoqarsimanerannik (kilometerinik ilaasoqarfusunik) nalunaarsuisinnaasumik nakkutilliinermut atortulernerqarsimanerat, nakkutilliinermullu atortup taxameterip kilometerinut ilaasoqarfusimasunut kisitsissutaanut naapertuuttuunera kiisalu nakkutilliinermut atortup taxameterimut, biilit aallakaatitsissutaannut, ledningit katiffinut ikkuffinnullu atassutai ima aqerlorterneqarsimasut, aqerlortigaq ataaseq arlallilluunniit peeqqaarlugit aatsaat nakkutilliinermut atortoq innarlerneqarsinnaangorlugu, pillugit uppernarsaat biiliniq iluarsaassisarfimmit akuerisaasumeersoq piginnittup nassiutissavaa, takuuk ilanngussaq 1.

Imm. 2. Biiliniq inunnik angallassissutiniq piginnittup ullut 1. januar aamma 1. juli tamaasa, nakkutilliinermut atortup piumasaqaatinut imm. 1-imi pineqartunut suli naapertuuttuuneranik kiisalu aqerlortigaq ataaseq arlallilluunniit peerneqarsimanerannik takussutissaqannginneranik uppernarsaat biiliniq iluarsaassisarfimmit akuerisaasumeersoq nassiuttassavaa.

Imm. 3. Uppernarsaatinut imm. 1-imi 2-milu pineqartunut aningaasartuutit biiliniq inunnik angallassissutiniq piginnittup nammineq akiligassarai. Uppernarsaatit immersugassartaat Akileraartarnermi Pisortaqaarfimmit ilusilerneqassapput.

§ 2. Biiliniq inunnik angallassissutiniq piginnittoq pisussaavoq, nakkutilliinermut atortup § 1, imm. 1-imi piumasaqaatinut suli naapertuuttuuneranik Akileraartarnermi Pisortaqaarfik, Akileraartarnermiluunniit Pisortaqaarfiup tamatumunnga piginnaatitaa, qaqugukkulluunniit sumiluunniillu misissuisinnaatissallugu.

Imm. 2. § 1, imm. 1-imi piumasaqaatit suli malinneqarnersut misissuisup qularutigippagu, piginnittoq misissuisumit peqquneqarsinnaavoq uppernarsaammik § 1, imm. 2-mi pineqartumik piaartumik piniaqqullugu nassiusseqqullugulu. Uppernarsaammut tassunga aningaasartuutit biiliniq inunnik angallassissutiniq piginnittup nammineq akiligassarai.

§ 3. Biilit inunnik angallassissutit, nioqqutissanik eqqussuinermit akitsuutit pillugit Inatsisartut inatsisaanni § 1, imm. 1, nr. 26-imi maleruagassat naapertorlugit akitsuuserneqarsimasut piginnittuata qulakkiigassaraa

angallannermi allattuivimmik akuerisaasumik, piumaffigineqarnikkullu Akileraartarnermi Pisorta qarfimmu, Akileraartarnermiluunniit Pisorta qarfiup tamatumunnga piginnaatitaanut, takutinneqartartussamik aammalu pisariaqassappat atukkiunneqartartussamik biilini inunnik angallassissutiniittoqarnissaa. Biilit arlalinnik ingerlatitsisoqaraluarpataluunniit angallannermi allattuiviit ataasiakkaarlugit ator neqartassapput.

Imm. 2. Angallannermi allattuivik paasissutissanik ilanngussaq 2-mi allassimasunik ima qassaaq. Ingerlatitsisut nikinneranni/ingerlaarnerup aallartinnerani angallannermi allattuivimmu ingerlaannaq allanneqassapput ingerlatitsisup aqqa, nalunaaqutaq ingerlatitsisup ingerlaalerfia - 4-nik kisitsisitalerlugu -, ulloq ingerlaarfik, kiisalu ingerlatitsisut nikinneranni nakkutilliinermu atortup killiffia. Ilaasorisaq, inunnik angallassinermi akinit atuuttunit appasinnerusumik akiliisillugu utimut ilaasoreqqinneqassappat, tamanna ilaasoqarnerup aallartinnerani naanerani ingerlaannaq allanneqassaaq. Akiliutissaq taxameteri atorlugu akilersuisitsisarnermit allaasumik naatsorsorneqarpat, piffissaq ilaasoqarnerup aallartiffia ilaasoqarnerup naammassinera ni angallannermi allattuivimmu ingerlaannaq allanneqassaaq. Taxanik piniartut takkutinngitsoorpata tamanna paasineqarniariartoq paasissutissat allanneqassapput, biillu taxanik piniartarfi mmu atassuteqarpat tamanna tassunga nalunaarutigineqarluni. Nalunaarsugassat allat ingerlatitsisut nikinneranni/ingerlaarnerup naammassinera ni allator neqassapput. Qaammatit naaneri tamaasa biilit kilometerilersuutaata killiffia allanneqartassaaq.

Imm. 3. Angallannermi allattuivik tulleriiaartumik erseqqissumillu allattuiffigineqassaaq, qupperneq siulleg nuutinnersilu ataatsikkut allaffigalugit. Allariikkat allangortiterlugit iluarsaanneqassanngillat. Quppernermi kukkusimagaanni quppernerluunniit ataaseq allortoorsimagaanni qupperneq taanna uingasumik titarneqassaaq atugassaa junnaarlugu. Allattuiviit pingasunik quppernillit siullersaat angallannermi allattuivimmiitinneqassaaq, nuutinnersilu aappaat ingerlatitsisut nikinneranni/ingerlaarnerup naanera ni inunnik angallassinnaanermu akuersissummik piginnittumut tunniunneqassalluni. Angallannermi allattuivik kingullermik allattuiffigineqarneraniit sivikinnerpaamik ukiuni tallimani angallassinnaanermu akuersissummik piginnittumit toqqortarineqassaaq, piumaffigineqarnikkullu Akileraartarnermi Pisorta qarfimmu atukkiunneqassalluni. Tamanna aamma angallannermi allattuivinnut ator neqanngitsunut atuuppoq.

§ 4. Qaammatip ingerlanera ni ingerlaarsimaneq pillugu qaammammoortumik immersugassaq qaammatit naaneri tamaasa piginnittup immersortassavaa, nalunaarlugit biilit inunnik angallassissutit kiap ingerlassimane ai, kisitsissut qassinik nikissimanersoq, qasseriarluni ilaasoqarsimaneq, kilometerit ingerlaarfiit katillugit qassiuneri, kilometerit ilaasoqarfiit qassiuneri kiisalu nakkutilliinermu atortup kisitsisitai. Qaammammoortumik immersugassaq kingusinnerpaamik qaammatipulliata 10-ai Akileraartarnermi Pisorta qarfimmu nassiunneqartassaaq.

§ 5. Nalunaarut atuutilissaaq ullormi 1. januar 2001-imi.

Namminersornerullutik Oqartussat, ulloq 22. december 2000

Josef Motzfeldt

/

Kaare Hagemann

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut